

第二一七冊

方輿彙編

邊裔典

安南部

禽人部

權扶部

黃支部

板楯蠻部

扶南部

三佛齊部

狼牙修部

丹部

琉球部

暹羅部

羅刹部

路人部

權扶部

黃支部

板楯蠻部

扶南部

三佛齊部

狼牙修部

丹部

琉球部

暹羅部

羅刹部

卜人部

權扶部

黃支部

板楯蠻部

扶南部

三佛齊部

狼牙修部

丹部

琉球部

暹羅部

羅刹部

揚州

權扶部

黃支部

板楯蠻部

扶南部

三佛齊部

狼牙修部

丹部

琉球部

暹羅部

羅刹部

二

二

二

二

二

二

二

二

二

二

二

二

古今圖書集成

中華書局影印



古今圖書集成

中華書局影印

欽定古今圖書集成方輿彙編邊裔典

第九十一卷目錄

安南部彙考二

唐高祖武德一則 德宗咸通五則

後梁末帝貞明一則

宋太祖乾德一則 開寶二則 太宗太平興

則 至道三則 真宗咸平二則 景德四則

大中祥符六則 天禧二則 乾興一則 康

定一則 慶曆三則 明道一則 景祐二則 康

嘉祐五則 英宗治平二則 神宗熙寧八

則 元豐五則 哲宗元祐四則 紹聖一則

元符一則 徽宗大觀一則 政和二則

宣和一則 高宗建炎二則 紹興十二則

孝宗隆興一則 寧宗慶元一則 嘉熙八則 光

宗紹熙二則 理宗淳熙二則 實祐二則 景

定三則 度宗咸淳五則

邊裔典第九十一卷

安南部彙考二

唐

高祖武德五年始以安南都護府屬嶺南道

按唐書高祖本紀不載 按地理志安南中都護府

本交趾郡武德五年曰交州治交趾

按廣東通志安南國古交趾也獻帝建安中改為交

州吳孫權分交州為廣州而徙交州治龍編晉宋齊

梁陳隋並因之唐初改安南都護府屬嶺南道安南

之名始此 交趾郡為交州分武峽州粵州芝州九

真郡為愛州分福祿州長州日南郡為驩州分峯州

陸州揚州又有禺州巖州凡一十二州

懿宗咸通元年十二月戊申雲南蠻寇安南

咸通三年十一月雲南蠻寇安南

咸通四年正月雲南蠻陷安南蔡襲死之二月拜十

六陵秦州經略使高駢為安南經略招討使

咸通六年五月高駢及雲南蠻戰于邕州敗之

按以上俱唐書懿宗本紀云云

咸通七年十月高駢克安南

按唐書懿宗本紀云云 按高駢傳咸通中帝將復

安南拜駢為都護召還京師見靈臺殿於是容管經

略使張茵不討賊更以茵兵授駢駢過江約監軍李

維周繼進維周擁衆壁海門駢次峯州大破南詔蠻

收所獲贈軍維周忌之匿捷書不奏朝廷不知駢問

百餘日詔問狀維周効駢玩敵不進更命右武衛將

軍王晏權往代駢俄而駢拔安南斬蠻帥段會遷降

附諸洞二萬計晏權方挾維周發海門檄駢北歸而

駢遣王惠贊傳會還首京師見鍾馗甚盛乃晏權等

惠贊懼奪其書匿島中間關至京師天子覽書御宣

政殿羣臣皆賀大赦天下進駢檢校刑部尚書仍鎮

安南以都護府為靜海軍授駢節度兼諸道行營招

討使始築安南城由安南至廣州江漕梗險多巨石

駢募工創治由是舟濟安行儲餉畢給又使者歲至

乃鑿道五所置兵護送其經青石者或傳馬援所不

能治既攻之有雷震碎其石乃得通因名道曰天威

後梁

末帝貞明 年安南送款於梁

按五代史梁本紀不載 按廣東通志五季梁貞明

中為土豪曲承美所據送款於梁得節度使時南漢

擅命嶺表遣將李知順伐承美執之乃平有其地尋

為愛州將楊廷藝所據後州將吳昌岌奪之傳其弟

昌文

宋

太祖乾德 年安南上表內附

按宋史太祖本紀不載 按廣東通志宋乾德初昌

文死吳處坪等爭立管內大亂有丁部領者平之自

稱大勝王私署其子璉為節度使聞南漢平上表內

附

開寶六年夏五月己巳交州丁璉遣使貢方物

按宋史太祖本紀云云 按交趾本傳交趾本漢初

南越之地漢武平南越分其地為儋耳珠崖南海蒼

梧鬱林合浦交趾九真日南凡九郡置交趾刺史以

領之後漢置交州晉宋齊梁陳因之又為交趾隋隋

平陳廢郡置州煬帝初廢州置郡唐武德中改交州

總管府至德中改安南都護府梁貞明中土豪曲承

美專有其地送款於末帝因授承美節鉞特劉隱擅

命嶺表遣將李知順伐承美執之乃平有其地後有

楊廷藝紹洪皆受廣南署繼為交趾節度使紹洪卒

州將吳昌岌遂居其位昌岌死其弟昌文襲乾德初

昌文死其弟承美襲吳處坪峰州刺史矯知護武寧州刺

史楊暉牙將杜景碩等爭立管內一十二州大亂部

民嘯聚起為寇盜攻交州先是楊廷藝以牙將丁公

著攝驪州刺史兼禦蕃都督部領即其子也公著死

部領繼之至是部領與其子璉率兵擊敗處珙等賊黨潰散境內安堵交民德之乃推部領為交州帥號曰大勝王署其子璉為節度使凡三年遜璉位璉立七年間領表平遂遣使貢方物上表內附制以權交州節度使丁璉以檢校太師充靜海軍節度使安南都護又詔以進奉使鄭琇王紹祚並為檢校左散騎常侍兼御史大夫

開寶八年五月甲午安南都護丁璉遣使來貢按宋史太祖本紀云云 按交趾本傳八年遣使貢犀象香藥朝廷議崇寵部領降制曰率土來王方推以恩信舉宗奉國宜洽於封崇骨拱極之外臣舉顯親之茂典爾部領世為右族克保遐方夙慕華風不忘內附屬九州混一五嶺廓清靡限溟濤樂輸琛賚嘉乃令子稱吾列藩特被鴻私以旌義訓介爾眉壽服茲寵章可授開府儀同三司檢校太師封交趾郡王

按廣東通志八年詔封部領為交趾郡王璉為節度安南都護自此始為藩彝矣 太宗太平興國 年安南來貢 按宋史太宗本紀不載 按交趾本傳太宗即位璉又遣使以方物來賀 太平興國 年安南大將黎桓擅權廢主太宗議欲舉兵

按宋史太宗本紀不載 按交趾本傳部領及璉既死璉弟璿尚幼嗣立稱節度行軍司馬權領軍府事大將黎桓擅權樹黨漸不可制却還璿于別第舉族禁錮之代總其衆太宗聞之怒乃議舉兵

按廣東通志部領及璉死璉弟璿立尚幼大將黎桓篡之丁氏傳世共十一年 太平興國五年詔討交州黎桓 按宋史太宗本紀五年秋七月丁未討交州黎桓命蘭州團練使孫全興八作使張潛左監門衛將軍崔亮寧州刺史劉澄軍器庫副使賈湜閤門祗候王僕並為部署全興潛亮由邕州澄湜俱由廉州各以其衆致討九月癸卯黎桓遣使為丁璿上表求襲位冬十一月庚子朔安南靜海軍節度行軍司馬權知州事丁璿上表求襲位不報十二月乙酉交州行營與賊戰大破之 按交趾本傳太平興國五年秋詔以蘭州團練使孫全興八作使張潛左監門衛將軍崔亮為陸路兵馬部署自邕州路入寧州刺史劉澄軍器庫副使賈湜供奉官閤門祗候王僕為水路兵馬部署自廣州路入是冬黎桓遣牙校江巨湟齋方物來貢仍為丁璿上表曰臣族本蠻裔辟處海裔修職貢於幸旅假節制於方隅臣之兄代承闡寄謹保封略罔敢怠邊爰暨淪亡將墜堂構將吏者蓋乃屬於臣俾權軍旅之事用安夷落之衆士俗獷悍懇請愈堅拒而弗從慮其生變臣已攝節度行軍司馬權領軍府事願賜真秩令備刻藩干冒宸辰伏增震越上察其欲緩王師寢而不報王師進討破賊萬餘衆斬首二千餘級

太平興國六年三月壬戌交州行營破賊于白藤江口復戰船二百艘知邕州侯仁貴死之會炎瘴軍士多死者轉運使許仲宣驛聞詔班師詔斬劉澄賈湜于軍中徵孫全興下獄

按宋史太宗本紀云云 按交趾本傳六年春又破賊于白藤江口斬首千餘級獲戰艦二百艘甲冑萬計轉運使侯仁寶本紀作貴率前軍先進全興等頓兵花步七十日以候澄仁寶累促之不進及澄至并軍由水路至多羅村不遇賊復擅迴花步桓詐降以誘仁寶遂為所害轉運使許仲宣馳奏其事遂班師上遣使就勅澄湜俱澄尋病死數湜等邕州市全興至關亦下吏誅餘抵罪有差仁寶贈工部侍郎

太平興國七年春三月交州以王師致討遣使來謝按宋史太宗本紀云云 按交趾本傳七年春桓懼朝廷終行討滅復以丁璿為名遣使貢方物上表謝罪

太平興國八年五月丁卯黎桓自稱三使留後遣使來貢並上丁璿讓表詔諭桓送璿母子赴闕不聽按宋史太宗本紀云云 按交趾本傳八年桓自稱權交州三使留後遣使貢方物并以璿表來上帝賜桓詔曰丁氏傳襲三世保據一方卿既受其倚毗為之心脅克徇邦人之請無負丁氏之心朕且欲令璿為統帥之名卿居副貳之任制裁制置悉繫於卿侯丁璿既冠有所成立卿之輔翼令德彌光崇獎忠勳朕亦何吝若丁璿將材無取童心如故然其奕世紹襲載綿星紀一旦捨去節鉞降同士伍理既非便居亦靡安詔到卿宜遣丁璿母子及其親屬盡室來歸俟其入朝便當擇日降制授卿節旄凡茲兩途卿宜審處其一丁璿到京必加優禮今遣供奉官張宗權齎詔諭旨當悉朕懷亦賜璿詔書如旨時黎桓已專據其土不聽命是歲五月上言占城國水陸象馬數

太平興國六年三月壬戌交州行營破賊于白藤江口復戰船二百艘知邕州侯仁貴死之會炎瘴軍士多死者轉運使許仲宣驛聞詔班師詔斬劉澄賈湜于軍中徵孫全興下獄

太平興國六年三月壬戌交州行營破賊于白藤江口復戰船二百艘知邕州侯仁貴死之會炎瘴軍士多死者轉運使許仲宣驛聞詔班師詔斬劉澄賈湜于軍中徵孫全興下獄

太平興國六年三月壬戌交州行營破賊于白藤江口復戰船二百艘知邕州侯仁貴死之會炎瘴軍士多死者轉運使許仲宣驛聞詔班師詔斬劉澄賈湜于軍中徵孫全興下獄

萬來寇率所部兵擊走之俘斬千計

雍熙二年二月戊寅權交州雷後黎桓遣使來貢

按宋史太宗本紀云云 按交趾傳雍熙二年遣牙

校張紹馮阮伯簪等貢方物繼上表求正領節鎮

雍熙三年冬十月庚申詔以權靜海軍雷後黎桓爲

本軍節度

按宋史太宗本紀云云 按交趾本傳三年秋又遣

使貢方物儋州言占城國人蒲羅遏率其族百餘衆

內附言爲交州所逼故也是歲十月制曰王者懲建

皇極寵綏列藩設邸京師所以盛會同之禮昨土方

面所以表節制之雄矧茲貽薦之隅克修設羽之貢

式當易帥爰利建侯不忘請命之恭用舉麟勞之典

權知交州三使雷後黎桓兼資義勇特稟忠純能得

邦人之心彌謹藩臣之禮往者丁璿方在童幼昧於

撫綏桓乃肺腑之親專掌軍旅之事號令自出威愛

並行殫盡解三使之權以徇衆人之欲遠輸誠款求

領節旄士燮彊明化越俗而咸又尉佗恭順稟漢詔

以無違宜正元戎之稱以列通侯之貴控撫夷落對

揚天休可檢校太保使持節都督交州諸軍事安南

都護充靜海軍節度交州管內觀察處置等使封京

兆郡侯食邑三千戶仍賜號推誠順化功臣遣左補

闕李若拙國子博士李覺爲使以賜之 按李若拙

傳若拙雍熙三年假秘書監使交州先是黎桓制度

踰脣若拙既入境即遣左右戒以臣禮繇是桓聽命

拜詔盡恭燕饗日以奇貨異物列於前若拙一不畱

盼取先陷蠻使鄧君辨以歸禮幣外不受其私覲使

端拱元年夏四月己丑加靜海軍節度使黎桓檢校

太尉閏五月丁酉交州黎桓遣使來貢

按宋史太宗本紀云云 按交趾本傳端拱元年加

桓檢校太尉進邑千戶實封五百戶遣戶部郎中魏

庠虞部員外郎直史館李度往使焉

淳化元年冬十月甲辰交州黎桓遣使來貢

按宋史太宗本紀云云 按交趾傳淳化元年夏加

桓特進邑千戶實封四百戶遣左正言直史館朱鑄

右正言直史館王世則又使焉

淳化二年宋鑄使交趾還命條其地形及事迹以聞

按宋史太宗本紀不載 按交趾本傳淳化元年加

桓特進邑千戶實封四百戶遣左正言朱鑄等又使

焉明年歸闕上令條列山川形勢及黎桓事迹以聞

鑄等具奏曰去歲秋末抵交州境桓遣牙內都指揮

使丁承正等以船九艘卒三百人至太平軍來迎由

海口入大海冒涉風濤頗歷危險經半月至白藤徑

入海汊乘潮而行凡宿泊之所皆有茅舍三間營葺

尚新目爲館驛至長州漸近本國桓張皇虛誕務爲

誇詫盡出舟師戰懼謂之軍自是宵征抵海岸至交

州僅十五里有茅亭五間題曰茅徑驛至城一百里

驛部民畜產妥稱官牛數不滿千揚言十萬又廣率

其民混於軍旅以雜色之衣乘船鼓譟近城之山虛

張白旗以爲陳兵之象俄而擁從桓至展郊迎之禮

桓斂馬側身問皇帝起居畢按轡偕行時以檳榔相

遺馬上食之此風俗待賓之厚意也城中無居民止

有茅竹屋數十百區以爲軍營而府署湫隘題其門

馬傷足受詔不拜信宿之後乃張筵飲宴又出臨海

汊以爲娛賓之遊桓跣足持竿入水標魚每中一魚

左右皆叫譟歡躍凡有宴會預坐之人悉令解帶冠

以帽子桓多衣花縵及紅色之衣帽以眞珠爲飾或

自歌勸酒莫能曉其詞嘗令數十人扛大蛇長數丈

饋於使館且曰若能食此當治之爲饌以獻焉又羈

送二虎以備縱觀皆却之不受士卒殆三千人悉默

其額曰天子軍糧以禾穗日給令自春爲食兵器止

有弓弩木牌梭槍竹槍弱不可用桓輕視殘忍呢比

小人腹心闇豎五七輩錯立其側好狎飲以手令爲

樂凡官屬善其事者擢居親近左右有小過亦殺之

或鞭其背一百至二百實佐小不如意亦捶之三十

至五十點爲闕吏怒息乃召復其位有木塔其制模

陋桓一日請同登遊覽地無寒氣十一月猶衣夾衣

揮扇云

淳化四年二月靜海軍節度使黎桓封交趾郡王

按宋史太宗本紀云云 按交趾本傳四年進封桓

交趾郡王

淳化五年三月交趾郡王黎桓遣使來貢

按宋史太宗本紀云云 按交趾本傳五年遣牙校

費崇德等來修職貢然桓性本兇狠負阻山海屢爲

寇害漸失藩臣禮

至道元年交趾入寇如洪鎮又寇邕州

按宋史太宗本紀不載 按交趾本傳至道元年春

廣南西路轉運使張觀欽州如洪鎮兵馬監押衛昭

美皆上言有交州戰船百餘艘寇如洪鎮略居民劫

州所管緣山都巡檢楊文傑擊走之太宗志在撫軍
荒服不欲問罪觀又言風聞黎桓爲丁氏斥逐擁餘
黨山海間失其所據故以寇鈔自給今則桓已死觀
仍上表稱賀詔太常丞陳士隆高品武元吉奉使嶺
南因偵其事士隆等復命所言與觀同其實桓尚存
而傳聞者之誤觀等不能審覈未幾有大賈自交趾
同具言桓爲帥如故詔劾觀等會觀病卒詔美士隆
元吉抵罪先是欽州如洪咄咄如昔等三鎮皆瀕海
交州潮陽民十文勇等殺人并家亡命至如昔鎮鎮
將黃令德等匿之桓令潮陽鎮將黃成雅移牒來捕
令德固不遣因茲海賊連年剽掠

至道二年遣使撫慰黎桓賜以美玉帶桓北望頓首
謝

按宋史太宗本紀不載 按交趾本傳二年以工部
員外郎直史館陳堯叟爲轉運使因賜桓詔書堯叟
始至遣攝雷州海康縣尉李建中齋詔勞問桓堯叟
又至如昔詰得匿文勇之由盡擒其男女老少一百
三十口召潮陽鎮吏付之且戒勿加酷法成雅得其
人以狀謝堯叟桓遂上章感恩并捕海賊二十五人
送于堯叟且言已約勒谿洞首領不得騷動七月太
宗遣主客郎中直昭文館李若拙齋詔書充國信使
以美玉帶往賜桓若拙既至桓出郊迎然其詞氣尚
悻悻謂若拙曰向者劫如洪鎮乃外境蠻賊也皇帝
知此非交州兵否若使交州果叛命則當首攻番禺
次擊閩越豈止如洪鎮而已若拙從容謂桓曰上初
聞寇如洪鎮雖未知其所自然以足下按自交州牙
校授之制節固當盡忠以報豈有他慮及見執送海

賊事果明白然而大臣僉議以爲朝廷比建節帥以
寧海表今既蠻賊爲寇害乃是交州力不能獨制矣
請發勁卒數萬會交兵以剪滅之使交廣無後患上
曰未可輕舉慮交州不測朝旨或致驚駭不若且委
黎桓討擊之亦當漸至清謐今則不復會兵也桓愕
然避席曰海賊犯邊守臣之罪也聖君容貸恩過父
母未加誅責自今謹守職約保永清於漲海因北望
頓首謝

至道三年三月太宗崩皇太子奉遺制即皇帝位四
月乙卯靜海軍節度使交趾郡王黎桓加兼侍中進
封南平王

按宋史太宗本紀不載 按真宗本紀云云 按交
趾本傳真宗即位進封桓南平王兼侍中桓前遣都
知兵馬使阮紹恭副使趙懷德以金銀七寶裝交椅
一銀盆十犀角象牙五十枚絹綉布萬匹來貢詔陳
於萬歲殿太宗神御許紹恭等拜奠及迴賜桓帶甲
馬詔書慰獎

真宗咸平四年二月戊申交州黎桓供馴犀象

按宋史真宗本紀云云 按交趾本傳咸平四年又
遣行軍司馬黎紹留使副何慶常以馴犀一象二象
馴二七寶裝金瓶一來貢其年欽州言交州効誠場
民及頭首八州使黃慶集等數百人來投有詔慰撫
遣還本道廣南西路言黎桓迎受官告使黃成雅附
奏自今國朝加恩願遣使至本道以寵海裔先是使
至交州桓即以供奉爲辭因緣賦歛上聞之止令疆
吏召授命不復專使

等來歸

按宋史真宗本紀云云

景德元年是歲交州來貢

按宋史真宗本紀云云 按交趾本傳景德元年又
遣其子攝驩州刺史明提來貢懇求加恩使至本道
慰撫還裔許之仍以明提爲驩州刺史

景德二年二月乙酉遣使安撫交州

按宋史真宗本紀云云 按交趾本傳二上年元節

賜明提錢令與占城大食使觀燈宴飲因遣工部員
外郎邵聘充國信使

景德三年六月知廣州凌策請征交趾不允

按宋史真宗本紀景德三年六月知廣州凌策請發
兵定交趾亂帝以黎桓素修職貢不欲伐喪命違前
詔安撫七月邵聘上邕州至交趾水陸路及控制宜
州山川等圖帝曰祖宗開土廣大惟當慎守不必貪
無用地勞苦兵力 按交趾本傳三年桓卒立中子
龍鉞龍鉞兄龍全劫庫財而遁其弟龍廷殺龍鉞自
立龍廷兄明諱率扶蘭峇攻職明提以國亂不能還
特詔廣州優加資給知廣州凌策等言桓諸子爭立
衆心離叛頭首黃慶集黃秀豐等千餘人以不從驅
率數及親族來投廣州請發本道二千人平之慶集
等願爲前鋒上以桓素忠順屢修職貢今幸亂而伐
喪不可就改國信使邵聘爲緣海安撫使令曉譬之
慶集等仍計口賜田糧購乃貽書交州諭以朝廷威
德如其自相魚肉久無定位偏師問罪則黎氏盡滅
矣明諱懼即奉龍廷主軍事龍廷自稱節度開明王
遂欲修貢聘以聞上曰遐荒異俗不曉事體何足怪

也令削去偽官賜又言頭首黃慶集先避亂歸化其種族尚多若復遺還慮遺屠戮詔以慶集錄三班釐務於郴州遂許入貢 按祁聘傳景德中假光祿卿充交趾安撫國信使會黎桓死其子龍鉞嗣立兄龍全率兵劫庫財而去其弟龍廷殺鉞自立龍廷兄明護率扶蘭峇兵攻戰購駐嶺表以事上聞改命為緣海安撫使許以便宜設方略賜貽書安南論朝廷威德俾速定位明護等即時聽命奉龍廷主軍事初詔購俟其事定即以黎桓禮物改賜新帥購上言懷撫外夷當示誠信不若俟龍廷貢奉別加封爵而龍賜之真宗甚嘉納使還改兵部員外郎賜金紫又嘗上邕州至交州水陸路及宜州山川等四圖頗詳控制之要

景德四年七月乙亥交州來貢賜黎龍廷九經及佛氏書辛巳以龍廷為靜海軍節度交趾郡王賜名至忠九月己巳賜交趾郡王印及安南旌節

按宋史真宗本紀云云 按交趾本傳四年龍廷稱權安南靜海軍節度遣弟峰州刺史明起副使安南掌書記殿中丞黃成雅等來貢會含光殿大宴上以成雅坐遠欲稍升位著訪於宰相王旦旦曰昔子產朝周王饗以上卿之禮子產固辭受下卿之禮而還國家惠綏遠方優待客使固無嫌也乃升成雅於尚書省五品之次詔拜龍廷特進檢校太尉充靜海軍節度觀察處置等使安南都護兼御史大夫上柱國仍封交趾郡王食邑三千戶食實封一千戶賜推誠順化功臣仍賜名至忠給以旌節又追贈相中書令南越王進奉使黎明祖等並進秩

大中祥符元年正月乙酉制加交趾郡王黎至忠功臣食邑十二月辛亥交趾郡王黎至忠加同平章事按宋史真宗本紀云云 按交趾本傳大中祥符元年天書降加翊戴功臣食邑七百戶實封三百戶東封畢加至忠同平章事食邑一千戶食實封四百戶大中祥符二年十二月交州黎至忠貢馴犀

按宋史真宗本紀云云 按交趾本傳二年廣南西路言蠻人劫海口蠻戶如洪岩主李文著以輕兵襲逐中流矢死詔督安南捕賊明年執狄獠十三人以獻至忠又遣推官阮守疆以犀角象齒金銀紋綉等來貢并獻馴犀一上以犀達土性不可養畜卻不納又以逆至忠意使者既去乃令縱之海溢按傳既日二年宜為三年矣而下又曰三年且貢犀本紀作二年十二月事明年二字存疑大中祥符三年春正月交州黎至忠卒以留後李公蘊為靜海軍節度使封交趾郡王

按宋史真宗本紀大中祥符三年春一月癸巳交州黎至忠卒大校李公蘊自稱留後三月壬辰以權靜海軍節度留後李公蘊為靜海軍節度封交趾郡王賜衣帶器幣十二月辛未以太宗御書賜交州李公蘊是歲交州來貢 按交趾本傳三年遣使來朝表求甲冑具裝詔從其請又求互市于邕州本道轉運使以聞上曰邕海之民數患交州寇寇仍前止許廉州及如洪岩互市蓋為邊隅控扼之所今或直趨內地事頗非便詔令本道以舊制論之至忠繼年二十六苛虐不法國人不能大校李公蘊尤為至忠親任嘗令以黎為姓其年遂圖至忠逐之殺明提明起等自稱留後遣使貢奉上曰黎桓不義而得公蘊尤而

効之甚可惡也然以其蠻俗不足責遂用桓故事制授特進檢校太傅充靜海軍節度觀察處置等使安南都護兼御史大夫上柱國封交趾郡王食邑三千戶實封一千戶賜推誠順化功臣公蘊又表求太宗御書詔賜百軸

大中祥符四年交州來貢 按宋史真宗本紀云云 按交趾本傳四年祀汾陰后土公蘊遣節度判官梁任文觀察巡官黎再嚴以方物來貢禮成加公蘊同平章事食邑一千戶實封四百戶任文等並優進秩 大中祥符五年交州來貢

按宋史真宗本紀云云 按交趾本傳五年夏以進奉使李仁美為誠州刺史陶慶文為太常丞其從隸有道病死者所賜附還其家是冬聖祖降加公蘊開府儀同三司食邑七百戶實封三百戶賜翊戴功臣 大中祥符七年秋七月辛丑交州李公蘊敗鶴拓蠻獻捷

按宋史真宗本紀云云 按交趾本傳七年春又加保節守正功臣食邑一千戶實封四百戶詔交趾諸國使人貢者所在館餼供億務令豐備其年遣知唐州刺史陶碩等來貢詔以碩為順州刺史充安南靜海軍行軍司馬副使吳懷訓為澄州刺史充節度副使先是交州狄獠張婆看避罪來奔知欽州穆重穎召之至中路復拒焉都巡檢臧嗣遂令如洪岩犒以牢酒交州偵知其事因捕狄獠故鈔如洪岩掠人畜甚衆詔轉運司督公蘊追索仍令疆吏自今不得誘召蠻獠致生事公蘊或間歲或仍歲以方物入貢

天禧元年二月庚寅進封李公蘊爲南平郡王

按宋史眞宗本紀云云 按交趾本傳天禧元年進

封公蘊南平王加食邑一千戶實封四百戶

天禧二年加李公蘊檢校太尉

按宋史眞宗本紀不載 按交趾本傳二年加檢校

太尉食邑一千戶實封四百戶每加恩皆遣使將命

至其境上仍賜器幣襲衣金帶鞍馬焉

乾興元年二月戊午眞宗崩遣詔太子卽皇帝位四

月丙寅交州來貢是歲南平王李公蘊遣使進貢

按宋史眞宗本紀不載 按仁宗本紀云云 按交

趾本傳仁宗卽位加公蘊檢校太師遣長州刺史李

寬泰都護副使阮守疆來貢

仁宗天聖五年南平國王李公蘊遣人來貢

按宋史仁宗本紀云云

天聖六年五月乙未朔交趾寇邊

按宋史仁宗本紀云云 按交趾本傳天聖六年遣

驪州刺史李公顯來貢除敘州刺史既而令其子弟

及其壻申承貴率衆內寇詔廣南西路轉運司發溪

峒丁壯討捕之

天聖七年四月辛卯南平王李公蘊卒其子德政遣

人來告以爲交趾郡王

按宋史仁宗本紀云云 按交趾本傳公蘊卒年四

十四其子德政自稱權知留後事來告哀贈公蘊爲

侍中南越王命本路轉運使王惟正爲祭奠使又爲

賜官告使除德政檢校太尉靜海軍節度使安南都

護交趾郡王

天聖八年十二月辛丑交趾王李德政加賜功臣

按宋史仁宗本紀云云

天聖九年是歲南平王李德政遣人謝加恩

按宋史仁宗本紀云云 按交趾本傳天聖九年遣

知峰州刺史李僇僉知愛州刺史卽日新等來謝以

僇僉爲驪州刺史日新爲珍州刺史

明道元年加李德政同平章事遣使恭謝

按宋史仁宗本紀不載 按交趾本傳明道元年恭

謝加同中書門下平章事

按文獻通考明道初加同平章事

景祐元年六月壬辰交州民六百餘人內附是歲南

平王李德政獻馴象二詔還之

按宋史仁宗本紀云云 按交趾本傳景祐中郡人

陳公永等六百餘人內附德政遣兵千餘境上捕逐

之詔遣還仍戒德政毋得輒誅殺尋遣靜海軍節度

判官陳應機掌書記王惟慶來貢以應機爲太子中

允惟慶爲大理寺丞德政加檢校太師

景祐三年是歲南平王李德政來貢

按宋史仁宗本紀云云 按交趾本傳三年其甲峒

及諒州門州蘇茂州廣源州大發峒丹波縣蠻寇邕

州之思陵州西平州石西州及諸峒略居人馬牛焚

室廬而去下詔責問之且令捕酋首正其罪以聞

康定元年交趾來貢

按宋史仁宗本紀不載 按交趾本傳康定元年遣

知峰州刺史帥用和節度副使杜猶興等來貢

慶曆三年十二月丁巳交趾獻馴象五

按宋史仁宗本紀云云 按交趾本傳慶曆三年又

遣節度副使杜慶安三班奉職梁材來以慶安爲順

州刺史材爲太子左監門率府率

慶曆六年是歲交趾獻馴象十

按宋史仁宗本紀云云 按交趾本傳六年又遣兵

部員外郎蘇仁祚東頭供奉官陶惟輿來以仁祚爲

工部郎中惟輿爲內殿崇班無此字

慶曆七年交趾遣使來貢

按宋史仁宗本紀不載 按交趾本傳七年又遣祕

書丞杜文府左侍禁文昌來以文府爲屯田員外郎

昌爲內殿崇班初德政發兵取占城朝廷疑其內畜

姦謀乃訪自唐以來所通道路凡十六處令轉運使

杜杞度其要害而戍守之然其後亦未嘗寇邊前後

累貢馴象

皇祐二年詔盡還蘇茂州韋紹嗣等

按宋史仁宗本紀不載 按交趾本傳皇祐二年邕

州誘其蘇茂州韋紹嗣紹欽等三千餘人入居省地

德政表求所誘詔盡還之仍令德政約束邊戶毋相

侵犯其後廣源州蠻僊智高反德政率兵二萬由水

路欲入助王師朝廷優其賜而卻其兵

至和二年十一月乙卯交趾來告李德政卒其子日

尊上德政遺貢物及馴象

按宋史仁宗本紀云云 按交趾本傳至和二年德

政卒其子日尊遣人告哀命廣南西路轉運使尚書

屯田員外郎蘇安世爲弔贈使贈德政爲侍中南越

王贈資甚厚尋除日尊特進檢校太尉靜海軍節度

使安南都護封交趾郡王

嘉祐三年六月丁卯交趾貢異獸

按宋史仁宗本紀云云 按交趾本傳嘉祐三年貢異

歌二

嘉祐四年二月庚午廣南言交趾寇欽州

按宋史仁宗本紀云云 按交趾傳四年寇欽州思

稟管

嘉祐五年秋七月癸巳邕州言交趾與甲峒蠻合兵

寇邊都巡檢宋士堯拒戰死之詔發諸州兵討捕

按宋史仁宗本紀云云 按交趾本傳五年與甲峒

賊寇邕州詔知桂州蕭固發部兵與轉運使宋咸提

點刑獄李師中同議掩擊又詔安撫使余靖等發兵

捕討靖道謀誘占城同廣南西路兵甲趨交趾日尊

惶怖上表待罪詔未得舉兵聽日尊貢奉至京師

按蕭注傳注知邕州居邕數年陰以利啗廣源羣蠻

密繕兵甲乃上疏曰交趾雖奉朝貢實包禍心常以

蠶食王土爲事往天聖中鄭天益爲轉運使嘗責其

擅賦雲河洞今雲河乃落蠻數百里蓋年侵歲吞馴

致於是臣已盡得其要領周知其要害今不取異日

必爲中國憂願馳至京師面陳方略未報而甲洞申

紹泰犯西平五將被害諫官論注不法致寇罷爲荆

南鈴轄提點刑獄李師中又劾其沮威嗜利略智高

闔民爲奴發洞丁采黃金無帳籍可考中使按驗頗

有實貶泰州團練副使淮南轉運使言注牯牛屠狗

招集游士部勒爲兵教之騎射請徙大州以廢之詔

改鎮南軍節度副使近臣有訟注廣州功者起爲右

監門將軍邠州都監

嘉祐八年春正月辛亥交趾貢馴象九

按宋史仁宗本紀云云 按交趾傳八年遣文思使

梅景先副使大理評事李繼先貢馴象

嘉祐九年以遣雷物賜日尊加同中書門下平章事

按宋史仁宗英宗本紀俱不載 按刑法志嘉祐九

年知桂州沈起欲經略交趾取其慈恩州交人遂破

欽犯邕管詔邊人橫遭屠戮職其致寇罪悉在起特

削官爵編置遠惡州 按交趾本傳九年四月戊寅

以大行皇帝詔及遣雷物賜日尊加同中書門下平

章事是日交趾使辭命內侍省押班李繼和喻以申

紹泰入寇本路屢乞討伐而朝廷以紹泰一夫肆狂

又本道已遣使謝罪故未欲興兵

英宗治平 年交趾來求僂宗旦男日新及取溫閣

洞等地

按宋史英宗本紀不載 按交趾本傳治平初知桂

州陸詵言交州來求僂宗旦男日新及欲取溫閣洞

等地帝問交趾於何年割據輔臣對曰自唐至德中

改安南都護府梁貞明中土豪曲承美專有此地韓

琦曰向以黎桓叛命太宗遣將討伐不服後遣使招

誘始效順交州山路險僻多瘴霧瘴毒之氣雖得其

地恐不能守也

治平四年二月戊子進封交趾郡王李日尊爲南平

王

按宋史英宗本紀不載 按神宗本紀云云 按交

趾傳神宗即位進封日尊南平王

神宗熙寧元年加交趾郡王開府儀同三司

按宋史神宗本紀不載 按交趾本傳云云

熙寧二年九月甲子朔交州來貢

按宋史神宗本紀云云 按交趾本傳二年表言占

城國久闕貢臣親帥兵討之虜其王詔以其使郭士

安爲六宅副使陶宗元爲內殿崇班日尊自其國

僭稱法天應運崇仁至道慶成龍祥英武睿文尊德

聖神皇帝尊公蘊爲太祖神武皇帝國號大越改元

寶象又改神武

熙寧三年是歲交趾入貢

按宋史神宗本紀云云

熙寧五年三月甲午日尊卒遣使弔贈

按宋史神宗本紀云云 按交趾本傳五年三月日

尊卒命廣西轉運使康衛爲弔贈使予所奪州縣詔

報之曰卿撫有南交世受王爵而乃背德奸命竊舉

邊城棄祖考忠順之圖煩朝廷討伐之舉師行深入

勢蹙始歸述其罪尤在所細削今遣使修貢上章致

恭詳觀詞情灼見悛悔朕撫綏萬國不異邇遐但以

邕欽之民遷劫炎厥久失鄉井俟盡送還省界即以

廣源等賜交州乾德初約歸三州官吏千人之才

送民二百一十一口男子年十五以上皆刺額曰天

子兵二十以上曰投南朝婦人刺左手曰官客以舟

載之而泥其戶牖中設燈燭日行一二十里則止而

僞作更鼓以報凡數月乃至蓋以給示海道之遠也

順州落南深置戍鎮守被羅瘴霧多病沒陶弼亦終

於官朝廷知其無用乃悉以四州一縣還之然廣源

舊隸邕管羈縻本非交趾所有也

按文獻通考五年日尊卒子乾德嗣來告哀詔遣使

弔贈授乾德襲封如故

宴如平時復閣門使管幹麟府軍馬辭云身本書生差長拊納不閑戰鬪懼無以集事時有言交人挫於占城衆不滿萬可取也遂以注知桂州入覲神宗問攻取之策對曰昔者臣有是言是時溪洞之兵一可當十器甲堅利親信之人皆可指呼而使今兩者不如昔交人生聚教訓十五年矣謂之兵不滿萬妄也既至桂種酋皆來謁注延訪山川曲折老幼安否均得其權心故李乾德動息必知之然有獻征南策者輒不聽會沈起以平蠻自任帝使代注而罷按沈

起傳六年拜天章閣待制知桂州自王安石用事始求邊功是時議者言交趾可取朝廷命蕭注守桂經略之注蓋造謀者也至是復以爲難起言南交小醜無不可取之理乃以起代注遂一意攻討妄言密受旨擅令疆吏入溪洞點集土丁爲保伍授以陣圖使歲時肄習總命指使因督餉鹽之海濱集舟師寓教水戰故時交人與州縣貿易悉禁止之于是交趾益貳大集兵丁謀入寇

熙寧八年十一月戊寅交趾陷欽州甲申交趾陷廉州十二月辛亥天章閣待制趙處爲安南道招討使嘉州防禦使李憲副之以討交趾

按宋史神宗本紀云云

熙寧九年正月交趾陷邕州知州蘇緘死之二月以郭達爲安南道招討使十二月敗交趾于富良江李乾德降遂班師

按宋史神宗本紀熙寧九年春正月戊辰交趾陷邕州知州蘇緘死之己卯下溪州刺史彭師晏及天賜州降庚辰遣使祭南岳南海告以南伐辛巳贈蘇緘

奉國軍節度使諡忠勇以其子子元爲西頭供奉官閣門祇候二月戊子宣徽南院使郭達爲安南道招討使罷李憲以趙處副之詔占城眞臘合擊交趾四月甲辰給空名告身付安南以招降賞功五月壬申詔安南諸軍過嶺有疾者所至護治六月丁亥詔安南將吏視軍士有疾者月以數聞七月安南行營次桂州郭達遣鈴轄和斌等督水軍涉海自廣東入諸軍自廣南入十一月乙亥以安南行營將士疾疫遣同知太常禮院王存禱南嶽遣中使建祈禱道場十二月丙戌安南僞觀察使劉紀降癸卯郭達敗交趾于富良江復其僞太子洪真李乾德遣人奉表詣軍門降達遂班師按沈起傳蘇緘知邕州以書抵起請止保甲罷水運通互市起不聽劾緘阻議起坐邊議罷命劉彝代之以守廣日過絕其表疏於是交人疑懼率衆犯境連陷廉州欽州四州死者數十萬人事聞貶起團練使安置鄂州徙越又徙秀而卒

熙寧十年三月復廣源蘇茂等州以交趾降赦廣南東路

按宋史神宗本紀熙寧十年三月丙午以復廣源蘇茂等州羣臣表賀赦廣州囚罪一等徒以下釋之賜行營諸軍錢民緣征役者恤其家以廣源州爲順州赦李乾德罪以郭達判潭州趙處知桂州己酉以交趾降赦廣南東路荆湖南路繫囚餘各降一等徒以下釋之七月乙亥郭達以安南失律貶爲左衛將軍元豐元年二月戊辰赦安南戰裨都監楊從先等仍論功行賞九月癸酉交趾來貢癸未李乾德表乞還廣源等州詔不許

按宋史神宗本紀云云
元豐二年冬十月戊申交趾歸所掠民詔以順州賜之

按宋史神宗本紀云云

元豐五年六月壬申交趾獻馴犀二

按宋史神宗本紀云云按交趾傳元豐五年獻馴象二犀角象齒百按是年歲犀象紀傳不同并存之

元豐七年冬十月戊子詔分畫交趾界以六縣二峒賜之

按宋史神宗本紀云云按交趾本傳六年以追捕儂智會爲辭犯歸化州又遣其臣黎文盛來廣西辨理順安歸化境界經略使熊本遣左江巡檢成卓與議文盛稱陪臣不敢爭執詔以文盛能遵乾德恭順之意賜之袍帶及絹五百匹乃以八隘之外保樂六縣宿桑二峒予乾德按熊本傳本知桂州謀告交人明年將入寇使者實其言詔訪本曰使者在道安得此藉使有謀何自先知之已而果妄是時既以順州賜李乾德疆畫未正交人緣是輒暴勿陽地面逐儂智會智會來乞師本檄問狀乾德歛兵謝本因請以宿桑八洞不毛之地賜之南荒遂安言者謂本棄八洞爲失謀奪一官
元豐八年三月戊戌神宗崩太子即皇帝位四月甲戌加李乾德同中書門下平章事
按宋史神宗本紀不載按哲宗本紀云云按交趾傳哲宗立加同中書門下平章事
哲宗元祐元年交趾上表求地不許
按宋史哲宗本紀不載按交趾本傳元祐中又數

上表求勿惡勿陽峒地詔不許

元祐二年夏四月丙戌交趾入貢秋七月進封李乾德爲南平王

按宋史哲宗本紀云云 按交趾本傳二年遣使人貢進封南平王 按禮志元祐二年知穎昌府韓縝言交趾小國其使人將及境臣嘗近疆難以抗禮按元豐中選以兵官饒以通判使副詣府其犒設令兵官主之請如故事仍詔所過郡凡前宰相執政官知判者亦如之

元祐六年交趾入貢

按宋史哲宗本紀云云

元祐七年八月乙亥前陷交趾將吏蘇佐等十七人自拔來歸

按宋史哲宗本紀云云

紹聖二年交趾入貢

按宋史哲宗本紀云云

元符三年正月己卯哲宗崩皇太后召端王入即皇帝位二月壬寅以南平王李乾德爲檢校太師

按宋史哲宗本紀不載 按徽宗本紀云云

徽宗大觀 年交趾來貢乞市書許之

按宋史徽宗本紀不載 按交趾本傳徽宗時累加開府儀同三司檢校太師大觀初貢使至京乞市書籍有司言法不許詔嘉其慕義除禁書一篋陰陽曆算術數兵書敕令時務邊機地理外餘書許買

政和元年交趾入貢

按宋史徽宗本紀云云

政和 年寬和市之禁

按宋史徽宗本紀不載 按交趾本傳政和未又詔以交人自熙寧以來全不生事特寬和市之禁

宣和元年加李乾德守司空

按宋史徽宗本紀不載 按交趾本傳云云

高宗建炎元年詔毋受安南通逃

按宋史高宗本紀不載 按交趾本傳建炎元年詔廣西經略安撫司禁邊民毋受安南通逃從其主乾德之請也

按文獻通考建炎元年乾德上表乞禁本道邊兵逃入省地詔令廣西經略司約束

建炎四年十二月庚午安南請入貢却之

按宋史高宗本紀云云 按交趾本傳四年安南入貢詔却其方物之華靡者賜敕書厚其報以懷柔之

按文獻通考四年入貢邊事未寧免使人詣關所進方物除華靡不受餘就界所交從本路提刑司依例計價賜回其表遞進令學士院降敕書回答自後每遇入貢即行之

紹興二年李乾德卒封其子陽煥爲交趾郡王

按宋史高宗本紀不載 按交趾本傳紹興二年乾德卒贈侍中追封南越王子陽煥嗣授靜海軍節度使特進檢校太尉封交趾郡王賜推誠順化功臣

紹興八年李陽煥卒封其子天祚爲交趾郡王

按宋史高宗本紀八年三月己亥以李天祚爲靜海軍節度使交趾郡王 按交趾本傳八年陽煥卒以轉運副使朱希充弔祭使贈陽煥開府儀同三司追封南平王子天祚嗣授官如其父初封之制

紹興九年詔毋受趙智之貢

按宋史高宗本紀不載 按交趾本傳九年詔廣西師司毋受趙智之人貢初乾德有側室子奔大理變姓名爲趙智之自稱平王聞陽煥死大理遣歸與天祚爭立求入貢欲假兵納之帝不許

紹興十四年六月戊子安南國入貢

按宋史高宗本紀云云

按宋史高宗本紀不載 按交趾本傳九年詔廣西師司毋受趙智之人貢初乾德有側室子奔大理變姓名爲趙智之自稱平王聞陽煥死大理遣歸與天祚爭立求入貢欲假兵納之帝不許

紹興十四年六月戊子安南國入貢

按宋史高宗本紀云云

紹興十六年六月安南獻馴象

按宋史高宗本紀云云

紹興十七年賜李天祚鞍轡

按宋史高宗本紀不載 按交趾本傳十七年詔文思院製鞍轡以賜天祚

紹興二十一年加天祚功臣號

按宋史高宗本紀不載 按交趾本傳二十一年累加天祚崇義懷忠保信鄉德安遠承和功臣

紹興二十五年六月安南入貢七月甲戌封李天祚爲南平王

按宋史高宗本紀云云 按交趾本傳二十五年詔館安南使者於懷遠驛賜宴以彰異數進封天祚南平王賜襲衣金帶鞍馬

紹興二十六年八月庚寅安南國遣使入貢

按宋史高宗本紀云云 按交趾本傳二十六年命右司郎中汪應辰宴安南使者於玉津園八月天祚遣李國等以金珠沉水香翠羽良馬馴象來貢詔加天祚檢校太師增食邑

紹興二十七年三月丁亥詔焚交趾所貢翠羽于通衢

按宋史高宗本紀云云

方輿彙編邊裔典第九十一卷安南部

紹興三十一年安南獻馴象詔令後勿來獻

按宋史高宗本紀不載 按禮志紹興三十一年正月安南獻馴象帝曰蠻夷貢方物乃其職但朕不欲以異獸勞遠人其令帥臣告諭自今不必以馴象入貢

紹興三十二年冬十月己丑安南都護南平王李天祚並加食邑實封

按宋史高宗本紀不載 按孝宗本紀云云 按禮志三十二年孝宗登極詔曰比年以來累有外國人貢太上皇帝冲謙弗受况朕涼菲又何以堪自今諸國有欲朝貢者令所在州軍以理論遣毋得以聞 孝宗隆興二年九月乙未交趾入貢

按宋史孝宗本紀云云 按交趾本傳隆興二年天祚遣尹子思鄧碩儼等貢金銀象齒香物

乾道六年加天祚功臣號

按宋史孝宗本紀不載 按交趾本傳乾道六年累加天祚歸仁協恭繼美邁度履正彰善功臣帝自即位屢却安南貢使

乾道九年十二月辛未交趾入貢

按宋史孝宗本紀云云 按交趾本傳九年天祚復遣尹子思李邦正求入貢帝嘉其誠許之詔館於懷遠驛廣南西路經略安撫使范成大言本司經略諸蠻安南在撫綏之內其陪臣豈得與中國王官亢禮政和間貢使入境皆庭參不復報謁宜遵舊制於禮為得朝廷從其請

淳熙元年正月丙午以交趾入貢詔賜國名安南封南平王李天祚為安南國王

按宋史孝宗本紀云云 按交趾本傳淳熙元年二月進封天祚安南國王加號守謙功臣

按文獻通考淳熙元年正月引見安南進奉副使二月詔安南入貢禮意可嘉令有司討論賜國名典故以聞於是特賜安南國名制南平王李天祚特授依前官封安南國王仍加守謙功臣上以天祚嗣位四十年故厚其禮封以安南國焉舊日章奏行移止稱安南道加封之後浸自尊大文書稱國不復可改矣押伴安南進奉梁衍言安南入貢所過州縣差夫數多自靜江水路可至容州又自北流遵陸一百二十里至鬱林自鬱林州水路可至廣州皆有同脚鹽船運鹽牛車可雇自廉航海一日之程即交趾則從靜江而南二千餘里可不役一夫而辦詔逐路帥臣詳其行程既而尹子思等以為涉夏水溢乞依例由欽州路以歸

淳熙二年八月甲子賜安南國王印

按宋史孝宗本紀云云 按交趾傳同

按文獻通考二年安南國請印以安南國王之印六字為文賜之其印比附樞密尚書省印方二寸仍給牌皆以銅鑄塗金為飾

淳熙三年五月癸丑安南國王李天祚卒戊午遣使弔祭

按宋史孝宗本紀云云 按交趾本傳三年賜安南國曆日天祚卒

按文獻通考三年賜安南國曆日有司言天祚已薨其子未有封爵欲作賜安南國王嗣子龍輪勅書從之

淳熙四年三月壬子詔李龍輪襲封安南國王

按宋史孝宗本紀云云 按交趾本傳三年賜安南國曆日天祚卒明年子龍輪嗣位授靜海軍節度使觀察處置等使特進檢校太尉兼御史大夫上柱國特封安南國王加食邑仍賜推誠順化功臣制曰即樂國以肇封既從世襲極真王而錫命何待大升示殊禮也

按文獻通考四年授龍輪襲爵故事其王初立即封交趾郡王久之進南平王死則贈侍中甫趙王

淳熙五年貢方物上表稱謝

按宋史孝宗本紀不載 按交趾本傳云云

淳熙十年閏月壬寅詔却安南獻象

按宋史孝宗本紀云云 按交趾本傳九年詔却安南所貢象以其無用而煩民他物亦止受什一

淳熙十二年春正月己丑禁交趾入省地

按宋史孝宗本紀云云

淳熙十六年累加龍輪守義奉國履常懷德功臣

按宋史孝宗本紀不載 按交趾本傳云云

光宗紹熙元年十一月甲寅安南入貢

按宋史光宗本紀云云 按交趾本傳光宗即位奉表入貢稱賀

紹熙五年六月戊戌孝宗崩光宗以疾不能出七月辛酉請於太皇太后奉御批皇子嘉王擴即皇帝位

八月乙卯加安南國王李龍輪思忠功臣十一月甲午復加安南國王李龍輪濟美功臣

按宋史光宗本紀不載 按寧宗本紀云云 寧宗慶元六年冬十月庚子復加安南國王李龍輪

保節功臣

按宋史寧宗本紀云云 按交趾本傳寧宗朝賜衣帶器幣累加謹度思忠濟美勳禮保節歸仁崇謙協恭功臣及食邑焉

嘉定五年夏五月癸酉安南國王李龍翰卒以其子吳昂為安南國王

按宋史寧宗本紀云云 按交趾本傳嘉定五年龍翰卒詔以廣西運判陳孔碩充弔祭使特贈侍中依前安南國王制以其子吳昂襲封其爵位給賜如龍翰始封之制仍賜推誠順化功臣其後謝表不至遂輟加恩吳昂卒無子以女昭聖主國事遂為其婿陳日叟所有李氏有國自公蘊至吳昂凡八傳二百餘年而國亡

理宗端平二年十一月戊子安南國貢方物

端平三年正月賜安南國王封爵襲衣金帶十月丙午安南國貢方物詔授金紫光祿大夫靜海軍節度觀察等使賜襲衣金銀帶

按以上俱宋史理宗本紀云云

淳祐三年春正月辛丑詔安南國王陳日叟元賜功臣號特增守義二字

按宋史理宗本紀云云 按交趾本傳淳祐二年詔安南國王陳日叟元賜勳忠順化保節功臣增守義二字

淳祐十一年安南來貢

按宋史理宗本紀不載 按禮志十一年再來貢寶祐五年十一月乙丑獎諭安南國賜金器幣香茗按宋史理宗本紀云云

寶祐六年九月甲寅詔安南情狀臣測申飭邊防

按宋史理宗本紀云云 按交趾本傳寶祐六年詔安南情狀臣測申飭邊備

景定二年十一月甲戌安南國貢象

按宋史理宗本紀云云 按交趾本傳景定二年貢象一

景定三年六月庚戌安南國王日叟上表乞世襲詔授檢校太師安南國王加食邑男威晃授靜海軍節度觀察處置使檢校太尉兼御史大夫上柱國安南國王効忠順化功臣仍賜金帶器幣鞍馬

按宋史理宗本紀云云 按交趾本傳三年表乞世襲詔日叟授檢校太師安南國王加食邑男威晃授靜海軍節度使觀察處置使檢校太尉兼御史大夫上柱國安南國王効忠順化功臣賜金帶器幣鞍馬

景定五年五月乙未安南國奉表謝恩進方物詔却之仍賜金帛以獎恭順

按宋史理宗本紀云云

度宗咸淳元年加安南王功臣號兼賜金帶鞍馬衣服

按宋史度宗本紀不載 按禮志咸淳元年二月加安南大國王陳日叟功臣增安善二字安南國王陳威晃功臣增守義二字各賜金帶鞍馬衣服

咸淳二年八月甲申安南國遣使賀登位獻方物

按宋史度宗本紀云云 按禮志二年復上表進貢禮物賜金五百兩賜帛一百匹降詔嘉獎咸淳五年十二月戊子詔安南國王父陳日叟國王

陳威晃並加食邑一千戶

按宋史度宗本紀云云 按交趾本傳咸淳五年詔安南國王父日叟國王威晃加食邑

咸淳八年十一月己巳詔明堂禮成安南國王陳日叟陳威晃各加食邑一千戶賜鞍馬等物

按宋史度宗本紀云云 按交趾本傳八年明堂禮成日叟威晃各加食邑賜鞍馬等物

咸淳十年十一月丁酉加安南國王陳日叟寧遠功臣其子威晃奉正功臣

按宋史度宗本紀不載 按恭宗本紀云云

欽定古今圖書集成方輿彙編邊裔典

第九十二卷目錄

安南部彙考三

元 憲宗二則 世祖中統四則 至元三十則
成宗元則 大德八則 武宗至大
二則 仁宗皇慶二則 延祐五則 英宗至
治二則 泰定帝泰定四則 致和和一則 文
宗天曆一則 至順三則 順帝至元一則

邊裔典第九十二卷

安南部彙考三

元

憲宗七年冬十一月兀良合台伐交趾敗之入其國
安南主陳日熈竄海島遂班師

按元史憲宗本紀云云 按安南本傳安南國古交

趾也秦并天下置桂林南海象郡秦亡南海尉趙佗

擊併之漢置九郡交趾居其一後女子徵側叛遣馬

援平之立銅柱為漢界唐始分嶺南為東西二道置

節度立五筦安南隸焉宋封丁部領為交趾郡王其

子璉亦為王傳三世為李公蘊所奪即封公蘊為主

李氏傳八世至吳昌陳日熈為吳昌婿遂有其國元
憲宗三年癸丑兀良合台從世祖平大理世祖還置
兀良合台攻諸夷之未附者七年丁巳十一月兀良
合台兵次交趾北先遣使二人往諭之不返乃遣徵
徵都等各將千人分道進兵抵安南江北洮江上復
遣其子阿木往為之援并覘其虛實交人亦盛陳兵
衛阿木遣軍還報兀良合台倍道兼進令徵徵都為

先鋒阿木居後為殿十二月兩軍合交人震駭阿木
乘之敗交人水軍虜戰艦以還兀良合台亦破其陸
路兵又與阿木合擊大敗之遂入其國日熈竄海島
得前所遣使於獄中以破竹束體入膚比釋縛一使
死因屠其城國兵留九日以氣候鬱熱乃班師復遣
二使招日熈來歸日熈還見國都皆已殘毀大發憤
縛二使遣還 按兀良合台本傳七年秋九月遣使
招降交趾不報冬十月進兵壓境其國主陳日熈隔
江列象騎步卒甚盛兀良合台分軍為三隊濟江徵
徵都從下流先濟大師居中駙馬懷都與阿木在後
仍授徵徵都方略曰汝軍既濟勿與之戰彼必來逆
我駙馬隨斷其後汝伺便奪其船蠻若潰走至江無
船必為我擒矣師既登岸即縱與戰徵徵都違命蠻
雖大敗得駕舟逸去兀良合台怒曰先鋒違我節度
軍有常刑徵徵都懼飲藥死兀良合台入交趾為久
駐計軍令嚴肅秋毫無犯越七日日熈請內附於是
置酒大饗軍士還軍押赤城
憲宗八年二月陳日熈傳國于長子光嵩光嵩遣婿
與其國人以方物來見兀良合台送詣行在所
按元史憲宗本紀云云 按安南本傳八年戊午二
月日熈傳國于長子光嵩改元紹隆夏光嵩遣其婿
與其國人以方物來見兀良合台送詣行在所別遣
調刺丁往諭之曰昔吾遣使通好爾等執而不返我
是以有去年之師以爾國主播在草野復令二使招
安還國爾又縛還吾使今特遣使開諭如爾等矢心
內附則國主親來若猶不悛明以報我光嵩曰小國
誠心事上則大國何以待之訥刺丁還報時諸王不

花鎮雲南兀良合台言于王復遣訥刺丁往諭使遣
使偕來光嵩遂納款且曰俟降德首即遣子弟為質
王命訥刺丁乘傳入奏
世祖中統元年十二月以禮部郎中孟甲禮部員外
郎李文俊使安南大理
按元史世祖本紀云云 按安南本傳世祖中統元
年十二月以孟甲為禮部郎中充南諭使李文俊為
禮部員外郎充副使持詔往諭之其略曰祖宗以武
功創業文化未修朕繼承丕緒鼎新革故務一萬方
道大理國守臣安撫弄只陌丁馳驛表聞爾邦有鄉
風慕義之誠念卿昔在先朝已嘗臣服遠貢方物故
頒詔旨諭爾國官僚士庶凡衣冠禮風俗一依本
國舊制已戒邊將不得擅興兵甲侵爾疆場爾人
民卿國官僚士庶各宜安治如故復諭甲甲等如交趾
遣子弟入覲當善視之母致寒暑失節重勞苦之也
中統二年秋七月壬午遣納速刺丁孟甲等使安南
按元史世祖本紀云云 按安南本傳二年孟甲等
還光嵩遣其族人通侍大夫陳奉公員外郎諸衛寄
班阮梁員外郎阮演詣闕獻書乞三年一貢帝從其
請遂封光嵩為安南國王
中統三年九月己未安南國陳光嵩遣使貢方物王
申授安南國王陳光嵩及達魯花赤納刺丁虎符
按元史世祖本紀云云 按安南本傳三年九月以
西錦三金熟錦六賜之復降詔曰卿既委質為臣其
自中統四年為始每三年一貢可選儒士醫人及通
陰陽卜筮諸色人匠各三人及蘇合油光香金銀朱
砂沉香檀香犀角玳瑁珍珠象牙綿白磁漆等物同

至仍以納刺丁充達魯花赤佩虎符往來安南國中統四年安南遣使奉表入謝

按元史世祖本紀不載 按安南本傳四年十一月納刺丁還光景遣楊安養充員外郎及內令武復桓書舍阮求中翼郎范舉等奉表入謝帝賜來使玉帶綸帛藥餌鞍轡有差

至元二年秋七月癸亥安南國王陳光景遣使奉表來貢甲子詔賜光景至元三年曆

按元史世祖本紀云云 按安南本傳至元二年七月使還復優詔答之仍賜曆及頒改元詔書

至元三年安南遣使上表三通

按元史世祖本紀不載 按安南本傳三年十二月光景遣楊安養上表三通其一進獻方物其二免所索秀才工匠人其三願請納刺丁長為本國達魯花赤

至元四年九月戊申安南國王陳光景遣使來貢優詔答之庚戌遣雲南王忽哥赤鎮大理都綱茶罕章赤禿哥兒金齒等處詔撫諭吏民又詔諭安南國俾其君長來朝子弟入質編民出軍役納賦稅置達魯花赤統治之

按元史世祖本紀云云 按安南本傳四年九月使還答詔許之仍賜光景玉帶金綸藥餌鞍轡等物未幾復下詔諭以六事一君長親朝二子弟入質三編民數四出軍役五輸納稅賦六仍置達魯花赤統治之十一月又詔諭光景以其國有回鶻商賈欲訪以西域事令發遣以來是月詔封皇子為雲南王往鎮大理都綱交趾諸國

至元五年賜安南國錦繡及其羣臣有差又詔雲南王忽哥赤統兵同安南征占城真臘二國

按元史世祖本紀至元五年九月庚申賜安南國王陳光景錦繡及其諸臣有差己丑詔諭安南陳光景來奏稱占城真臘二寇侵擾已命卿調兵與不干併力征討今復命雲南王忽哥赤統兵南下卿可遵前詔遇有叛亂不庭為邊患者發兵一同進討降服者善為撫綏 按安南本傳五年九月以忽籠海牙代納刺丁為達魯花赤張庭珍副之復下詔徵商賈回鶻人

至元六年十一月庚午安南國王陳光景遣使來貢 按元史世祖本紀云云 按安南本傳六年十一月光景上書陳情言商旅回鶻一名伊溫死已久一名婆婆尋亦病死又據忽籠海牙謂陛下須索巨象數頭此獸軀體甚大步行甚遲不如上國之馬伏候勅旨於後貢之年當進獻也又具表納貢別奉表謝賜西錦幣帛藥物 按張庭珍傳至元六年安南入貢不時以庭珍為朝列大夫安南國達魯花赤佩金符由吐蕃大理諸蠻至于安南世子光景立受詔庭珍責之曰皇帝不欲以汝土地為郡縣而聽汝稱藩遣使喻旨德至厚也王猶與宋為唇齒安自尊大今百萬之師圍襄陽拔在旦夕席卷渡江則宋以矣王將何恃且雲南之兵不兩月可至汝境覆汝宗祀有不難者其審謀之光景惶恐下拜受詔既而語庭珍曰聖天子憐我而使者來多無禮汝官朝列我王也相與抗禮古有之乎庭珍曰有之王人雖微序於諸侯之上光景曰汝過益州見雲南王拜否庭珍曰雲

南王天子之子汝蠻夷小邦特假以王號豈得比雲南王况天子命我為安南之長位居汝上耶光景曰既稱大國何索吾犀象庭珍曰貢獻方物藩臣職也光景無以對益慚憤使衛兵露刃環立以恐庭珍庭珍解所佩弓刀坦臥室中曰聽汝何為光景及羣下皆服明年遣使隨庭珍入貢庭珍見帝以所對光景之言聞帝大悅命付翰林承旨王磐紀之

至元七年十一月安南國王陳光景遣使來貢優詔答之

按元史世祖本紀云云 按安南本傳七年十一月中書省移牒光景言其受詔不拜待使介不以王人之禮遂引春秋之義以責之且令以所索之象與歲貢偕來又前所貢藥物品味未佳所徵回鶻輩託辭欺誑自今已往其審察之

至元八年安南王陳光景復書辨對

按元史世祖本紀不載 按安南本傳八年十二月光景復書言本國欽奉天朝已封王爵豈非王人乎天朝奉使復稱王人與之均禮惡辱朝廷况本國前奉詔旨命依舊俗凡受詔令奉安于正殿而退避別室此本國舊典禮也來諭索象前恐忤旨故依違未敢直對實緣象奴不忍去家難於差發又諭索儒醫工匠而陪臣黎仲化等陸見之曰咫尺威光不聞詔諭况中統四年已蒙原宥今復論及豈勝驚愕惛悶下其念之

至元九年以葉式捏為安南達魯花赤李元副之 按元史世祖本紀不載 按安南本傳云云 至元十年正月安南使者還言陳光景受詔不拜中

書移文責問曷稱從本俗十二月安南國王陳光曷遣使來貢方物

按元史世祖本紀云云 按安南本傳十年正月葉式捏卒命李元代式捏以合撒兒海牙副之中書省復牒光曷言比歲奉使還者言王每受天子詔令但拱立不拜與使者相見或燕席位加於使者之上今覽來書自謂既受王爵豈非王人乎考之春秋叙王人於諸侯之上釋例云王人蓋下士也夫五等邦君外臣之貴者也下士內臣之微者也以微者而加貴者之上蓋以王命爲重也後世列王爲爵諸侯之尤貴者顧豈有以王爵爲人者乎王寧不知而爲是言耶抑辭令之臣誤爲此言耶至於天子之詔人臣當拜受此古今之通義不容有異者也乃云前奉詔旨並依舊俗本國遵奉而行凡受詔令奉安於正殿而退避別室此舊典禮也讀之至此實頗驚訝王之爲此言其能自安於心乎前詔旨所言蓋謂天壤之間不啻萬國國各有俗驟使變革有所不便故聽用本俗豈以不拜天子之詔而爲禮俗也哉且王之教令行於國中臣子有受而不拜者則王以爲何如君子貴於攻過緬想高明其亮察之

至元十一年安南入貢

按元史世祖本紀不載 按安南本傳十一年光曷遣童子治黎文隱來貢

至元十二年正月安南國使者還敕以舊制籍戶設達魯花赤簽軍立站輪租及歲貢等事論之二月詔安南國王陳光曷仍以舊制六事論之趣其來朝 按元史世祖本紀云云 按安南本傳十二年正月

光曷上表請罷本國達魯花赤其文曰微臣僻在海隅得霑聖化與函生羅扑鼓舞乞念臣自降附上國十有餘年雖奉三年一貢然迭遣使臣疲於往來未嘗一日休息至天朝所遣達魯花赤辱臨臣境安能空同况其行人動有所恃陵轢小國雖天子與日月並明安能照及覆盆且達魯花赤可施於邊蠻小醜豈有臣既席王封爲一方藩屏而反立達魯花赤以監臨之寧不見笑於諸侯之國乎與其長監臨而修貢孰若中心悅服而修貢哉臣恭遇天朝建儲開后大恩霽霽施及四海輒敢哀鳴伏望聖慈特賜矜恤今後二次發遣綱貢一詣都蘭奉納一詣中原拜獻凡天朝所遣官乞易爲引進使庶免達魯花赤之弊不但微臣之幸實一國蒼生之幸也二月復降詔以所貢之物無補於用論以六事且遣合撒兒海牙充達魯花赤仍令子弟入侍

至元十三年安南奉表乞免六事

按元史世祖本紀不載 按安南本傳十三年二月光曷遣黎克復文粹入貢以所奏就都蘭輪納貢物事屬不敬上表謝罪并乞免六事

至元十四年安南遣使來朝

按元史世祖本紀不載 按安南本傳十四年光曷卒國人立其世子日烜遣中侍大夫周仲彥中亮大夫吳德邵來朝

至元十五年六月辛巳安南國王陳光曷遣使奉表來貢八月壬子遣禮部尚書柴椿等使安南國詔切責之仍俾其來朝 按光曷十四年已卒而此又云光曷遣使自是日烜二字之訛可無疑也

按元史世祖本紀云云 按安南本傳十五年八月遣禮部尚書柴椿會同館使哈剌脫因工部郎中李克忠工部員外郎董端同黎克復等持詔往諭日烜入朝受命初使傳之通也止由都蘭黎化往來帝命柴椿自江陵直抵邕州以達交趾聞十一月柴椿等至邕州永平寨日烜遣人進書謂今聞國公辱臨弊境邊民無不駭愕不知何國人使而至於斯乞回軍舊路以進椿回牒云禮部尚書等官奉上命與本國黎克復等由江陵抵邕州入安南所有導護軍兵合乘驛馬宜來界首遠近日烜差御史中贊兼知審刑院事杜國計先至其太尉率百官自富梁江岸率迎入館十二月二日日烜就館見使者四日日烜拜讀詔書椿等傳旨曰汝國內附二十餘年向者六事猶未見從汝若弗朝則修爾城整爾軍以待我師又云爾父受命爲王汝不請命而自立今復不朝異日朝廷加罪將何以逃其責請熟慮之日烜仍舊例設宴于廊下椿等弗就宴既歸館日烜遣范明字致書謝罪改宴于集賢殿日烜言先君棄世予初嗣位天使之來開諭詔書使予喜懼交戰于胷中竊聞宋主幼小天子憐之尚封公爵於小國亦必加憐昔論六事已蒙赦免若親朝之禮予生長深宮不習乘騎不諳風土恐死於道路予弟太尉以下亦皆然天使回謹上表達誠兼獻異物椿曰宋主年未十歲亦生長深宮如何亦不至京師但詔旨之外不敢聞命且我四人實來召汝非取物也椿等還日烜遣范明字鄭國瓚中贊杜國計奉表陳情言孤臣稟氣軟弱且道路艱難徒暴白骨致陛下哀傷而無益天朝之萬一伏望

陛下憐小國之遠遼令臣得與饒寡孤獨保其性命以終事陛下此孤臣之至幸小國生靈之大福也兼貢方物及二馴象

至元十六年秋七月丁巳交趾國遣使來貢馴象冬十一月壬子遣禮部尚書柴椿偕安南國使杜中贊齎詔往諭安南國世子陳日烜責其來朝十二月庚辰安南國貢藥材

按元史世祖本紀云云 按安南本傳十六年三月椿等先達京師曹鄭國瓚待於邕州樞密院奏以日烜不朝但遣使臣報命飾辭托故延引歲時巧佞雖多終違詔旨可進兵境上遣官問罪帝不從命來使入觀十一月畱其使鄭國瓚于會同館復遣柴椿等四人與杜國計持詔再諭日烜來朝若果不能自觀則積金以代其身兩珠以代其目副以賢士方技子弟工匠各二以代其土民不然修爾城池以待其蕃處焉

至元十七年七月甲子遣安南國王子倪還十月遣使諭交趾國始製象轎十一月己亥朔翰林學士承旨和禮霍孫等言交趾國遣使進表乞答詔從之仍賜交趾使職名及弓矢鞍勒庚戌命和禮霍孫揀汰交趾國使除可畱者餘皆放還十二月安南國來貢馴象

按元史世祖本紀云云

至元十八年易所賜安南國畏吾字虎符以國字書之立日烜之叔遺愛爲安南國王發軍衛送按元史世祖本紀至元十八年閏月庚申安南國貢方物冬十月己亥議封安南王號易所賜安南國畏

吾字虎符以國字書之降詔諭安南國立日烜之叔遺愛爲安南國王丁未安南國置宣慰司以北京路達魯花赤字額帖木兒參知政事行安南國宣慰使都元帥佩虎符柴椿忽哥兒副之庚戌以安南國王陳遣愛入安南發新附軍千人衛送十一月詔安南國王給占城行省軍食己酉賜安南國出征新軍鈔

按安南本傳十八年十月立安南宣慰司以卜顏鐵木兒爲參知政事行宣慰使都元帥別設僚佐有差是月詔以光貴既沒其子日烜不請命而自立遣使往召又以疾爲辭止令其叔遺愛入觀故立遺愛代爲安南國王

至元十九年九月丁卯安南國進貢犀兕金銀器香藥等物

按元史世祖本紀云云

至元二十年八月甲午安南國遣使以方物入貢按元史世祖本紀云云 按安南本傳二十年七月

日烜致書于平章阿里海牙請還所畱來使帝即遣還國是時阿里海牙爲荆湖占城行省平章政事帝欲交趾助兵糧以討占城令以己意諭之行省遣鄂

州達魯花赤趙燾以書諭日烜十月朝廷復遣陶衷直持璽書往諭之十一月趙燾抵安南日烜尋遣中亮大夫丁克紹中大夫阮道學等持方物從着人觀

又遣中奉大夫范至清朝請即杜抱直等赴省計事且致書于平章言添軍一件占城服事小國日久老父惟務以德懷之迫于孤子之身亦繼承父志自老父歸順天朝三十年于茲干戈示不復用軍卒毀爲民丁一資天朝貢獻一示心無二圖幸閣下矜察助

糧一件小國地勢瀕海五穀所產不多一自大軍去後百姓流亡加以水旱朝飽暮飢食不暇給然閣下之命所不敢違擬於欽州界上未安州地所俟候輪納續諭孤子親身赴闕面奉聖訓老父在時天朝矜憫置之度外今老父已沒孤子居憂感病至今尚未復常况孤子生長遐陬不耐寒暑不習水土艱難道塗徒暴白骨以小國陪臣往來尚爲沴氣所侵或十之五六或死者過半閣下亦已素知惟望曲爲愛護敷奏天朝庶知孤子宗族官吏一一畏死貪生之意豈但孤子受賜抑一國生靈賴以安全共祝閣下享此長久自天之大福也

至元二十一年閏五月甲辰安南國王世子陳日烜遣其中大夫陳謙甫貢玉杯金瓶珠條金領及白猿綠鳩幣帛等物七月戊子詔遣所畱安南使黎英等還其國日烜遣其中大夫阮道學等以方物來獻十

二月鎮南王軍至安南殺其守兵分六道以進安南典道王以兵拒于萬劫進擊敗之萬戶倪閏戰死于

劉卮

按元史世祖本紀云云 按安南本傳二十一年三

月陶衷直使還日烜復上表陳情又致書於荆湖占城行省大意與前書略同又以瓊州安撫使陳仲達聽鄭天祐言交趾通謀占城遣兵二萬及船五百以爲應援又致書行省其略曰占城乃小國內屬大軍致討所當哀矜然未嘗敢出一言蓋天時人事小國亦知之矣今占城遂爲叛逆執迷不復是所謂不能知天知人者也知天知人而反與不能知天知人者同謀雖三尺兒童亦知其弗與况小國乎幸貴省裁